

壯洋官報

本局第一百九期法政學報現已出版

宮門抄

七月二十日 法部 大理院 廂紅旗值日 內閣奏派驗放大臣 派出恭王 善豫 張英麟 吳郁

生 召見軍機

吏部引見單○七月十七日奉 旨廢生樂勳著以文職用榮全著以旗員用郭則濟著內

用許家堃著外用吳文湘著外用滿給事中員缺著聯豫補授遼瀋道滿監察御史員缺著玉春補授翰林院

滿撰文員缺著鴻志補授截取繁缺道翰林院侍讀崇山著照例用截取繁缺知府翰林院侍讀文華著以簡

缺知府用榮光著以簡缺知府用檢討林東郊著照例用雲貴總督衙門筆帖式員缺著明德補授俸滿甘肅

西甯縣教諭楊茂春著以知縣用解餉陝西補用知縣龍雲藻著俟補缺後以知州補用四川候補知縣阮叔

蘇著俟補缺後以知州補用擬補內閣中書葉泰椿擬選 定陵禮部員外郎玉海理藩部筆帖式耆齡

俱著准其補授分發直隸試用道慧濟山東試用道王德鍾新疆試用道王學曾山東補用知府伍文祺江西

試用知府憚樹棻俱著照例發往欽此 又十九日軍機處片交本日引 見之開缺福建興泉永道劉慶

汾奉 硃筆圈出著以道員選用欽此

目錄

宮門抄
引見單
奏議○度支部奏派查江南等省禁種土藥等摺△又奏
諭覆鴉片煙縮期禁種摺△直督奏長盧莊課奏銷摺
公牘○洛司等詳一件△議事會申一件△又移一件△
豫撫咨一件
文告五則△電報五則△新聞七則
彙編○順天中學堂章程

奏議錄要

度支部奏派員查明江南等省禁種土藥及辦理牌照捐情形摺

奏爲派員查明江南等省禁種土藥及辦理牌照捐情形恭摺具陳仰祈 聖鑒事竊本年二月間臣部以江南

安徽河南山西五省定議禁種土藥現當春令煙苗發生奏請派候補四品京堂幫辦土藥統稅事務方碩輔前往切實履勘並將各省辦理牌照捐一併稽察等因奏奉 俞允行知該幫辦欽遵在案該幫辦卽於閏二月

間由武昌帶同員司偕赴各該省產區詳細查勘五月間一律查竣茲據開送清摺節略到部臣等逐加察閱尙屬詳核謹就所查各該省禁種情形爲我 皇上陳之江南種煙之區向來僅淮徐通海各屬十五廳州縣而以豐

沛蕭錫四縣爲最多前年江北水災地方官以民鮮蓋蔽病由罌粟秋間卽出示禁種去年已減大半今年種者已不及往年百分之一且全係僻壤小戶經兩江總督派員分赴產區逐細嚴查搜剷不遺餘力江省煙苗本年可望

禁絕此江南禁種之實在情形也安徽皖南地不宜煙向無種者皖北亦僅鳳陽府屬之宿州潁州府屬之亳州蒙城渦陽等處種煙最盛其餘州縣多零星栽種不能成市去年示禁後種者已少本年春初經安徽巡撫派員嚴查

惟宿州境內尙未大減卽將該州牧叅革各州縣聞風相戒各顧考成不敢敷衍塞責間有禁而未絕者甚屬寥寥此安徽禁種之實在情形也山東種煙州縣甚多每年成市者以滕縣濟甯金鄉單縣三處民情素悍又適值春間亢旱貧

一律嚴禁本年又派員分查勒拔到處土市皆可使其無成惟濟甯金鄉單縣三處民情素悍又適值春間亢旱貧苦小戶皆以此爲一年生計所關下種在先勢難盡拔經地方稟請將小戶暫寬一次取具下半年不敢再種切結

暫准收割較諸往歲所減已多此山東禁種之實在情形也河南州縣種煙成市者歸德府屬以夏邑商邱永城三處爲最許州屬以許州襄城長葛三處爲最河南巡撫於去秋飭屬嚴禁今春又派員分查歸許等屬均已勒拔

惟河南府屬之永甯縣種者尙多該處山僻之鄉民情素稱難治出示之前業經下種今春又值久旱情形與東省

之濟金單三處略同亦經地方官稟明暫予從寬一次下半年一律具結斷種此外各州縣間有未能淨盡者數亦有限此河南禁種之實在情形也山西種煙通省皆是省南向以霍州洪洞趙城汾陽永甯交城文水等州縣爲最多夏縣曲沃河津長子長治潞城等縣次之省北向以代州河曲渾源豐鎮歸化薩拉齊各廳州縣爲最多五原托克托城五台繁峙崞縣等處次之上年晉省通飭禁種本年春司局加派多員分赴產區搜查見苗即拔山西巡撫恐委員不力又派親信密查並加派馬隊擇要分駐彈壓又屬諮議局轉邀士紳各赴本鄉勸拔省南已一律禁盡至於省北一帶復據前往分查臣部司員劉煦照等面稱該處地屬蒙疆尚有餘苗未盡而爲數亦屬零星此山西禁種之實在情形也綜計以上五省於禁種土藥均已實行必能遵照限期悉行禁絕惟禁種禁吸兩者實相輔而行吸戶一日不斷即煙害一日不淨是以上年臣部會同民政部奏定吸煙牌照章程通行各省意在稽查吸戶寓禁於征原非專爲籌款起見茲據該幫辦分別考查江南安徽河南山東牌照捐均甫經開辦雖辦法未能一律尙不致顯背定章惟山西於上年冬月間即經開辦就商人每担已完統稅之照花土復加抽牌照捐四十兩違章重征殊屬不合應由臣部咨行山西巡撫嚴飭司局恪遵部章辦理務於統稅劃清界限不准稍涉含混並咨江皖東豫各督撫飭屬實力奉行以符奏案至此大查勘五省禁種土藥情形原以各省禁種之虛實關係土稅分局之去留今禁種既已實行則土稅之來源日絀所有各省分局應如何分別酌裁業經該幫辦詳報督辦土藥統稅大臣查核應俟該大臣酌量情形咨明臣部另案辦理所有派員查明江南等省禁種土藥及辦理牌照捐情形理合恭摺具陳伏乞

皇上聖鑒謹 奏宣統元年七月初三日奉

旨知道了欽此

度支部會奏併案議覆護滇督東督奏請將鴉片煙縮期禁種摺

奏爲遵 旨併案速議具奏恭摺仰祈

聖鑒事宣統元年六月二十五日軍機處交出護理雲貴總督沈秉

堃電奏一件奉

旨沈秉堃電奏請飭黔蜀陝甘山西五省統限本年一律將鴉片煙禁種等語著該衙門速議

具奏欽此又六月二十六日軍機處交出東三省總督錫良奏部議禁煙年限太寬懇請一律縮期禁種一摺奉

硃批著該衙門歸入沈秉堃電奏一併速議具奏欽此先後抄交前來查雲貴總督原電奏內稱鴉片流毒已久

朝廷嚴旨飭禁原限十年遞減前總督錫良以期限太長易於生玩玩則終於難禁因毅然奏請縮限一年禁盡其時接壤黔蜀邊民一旦失此大利皆藉口於鄰省未禁抗種偷種均所難免遂多派員弁演說白話告示令其知種煙爲害發給各項子種使其知抵補之有方本年春間全省八十餘廳州縣居然一律淨盡實非初料所及前閱黔撫龐鴻書奏疏稱黔省今年秋後不至再行種煙聞川督趙爾巽籌禁亦均不遺餘力似此情形接壤之區秋後無虞再種乃昨准度支部咨會同禁煙王大臣外務部議覆兩江遵辦禁煙各節並籌擬情形一摺內有陝甘黔蜀四省限至宣統五年一律禁淨等語在部中係就各省督撫原奏情形酌中定限不知黔蜀鑒於滇省之縮限禁淨刻正實行本年一律禁絕今部文准其展限五年則黔蜀人民必不遵本年不種之命令籌思再四焦灼莫名此禁彼栽影響實大惟有請

旨電飭黔蜀陝甘山西五省督撫統限本年一律禁盡以歸畫一大局幸甚滇省幸甚又東三省總督原奏內稱鴉片之害甚於洪水猛獸中國屢禁屢弛遂致蔓延今則奉天等十八行省已能於宣統元年下半年起全行禁絕獨於陝西甘肅四川貴州遲至宣統五年一禁一弛不特四省煙害未能遽絕卽已禁煙之省分難保不遲疑觀望徧受影響且限期急迫萬衆一心誰無天良敢違

明詔若延長至四五年適恐漸疏漸懈別生枝節此又理勢所必至者總之禁煙一事雖分禁種禁賣禁吸而禁種實爲第一要著懇乞

乾斷主持明降 諭旨無論已未禁種省分統限宣統元年下半年一律禁絕以祛積害各等語臣等伏查本年三月

間兩江總督端方奏陳禁煙辦法臣等議覆摺內稱禁種一節奉天直隸山西雲南等十八省限至宣統元年年底止一律禁種淨盡陝西甘肅四川貴州等省督撫督飭所屬遞年減種限至宣統五年止一律禁種淨盡如未屆限能將全省種煙地畝勒禁全行改種准將該管官分別奏獎等因奏准行知在案今護理雲貴總督沈秉堃奏請黔蜀陝甘山西五省統限本年一律禁盡自係爲畫一辦法起見惟黔蜀陝甘四省臣等前奏所以分別限期者係查照各該省前後奏咨各案及體察地方情形以爲法在必行自不得不分別辦理以防窒礙仍於摺內聲叙未屆限卽能禁盡准將該管官奏獎一節是於寬展限期之中隱寓責成縮限之意並非謂五年以內只准減種不准禁盡也茲查該護督奏稱黔蜀鑒於滇省之縮限禁淨實行本年一律禁絕今部文准其展限五年則黔蜀必不遵本年不種之命令等語似於臣等前奏尙未領會黔蜀兩省果能實行縮限於本年內一律禁盡卽應援照臣等前奏將

該管官分別請獎以資鼓勵黔蜀兩省既能於本年內禁盡則陝甘兩省事同一律自應縮限嚴禁以免鄰封藉口至東三省總督所請縮期禁種原恐日久疎懈別生枝節爲速祛煙害起見與雲貴總督所見略同惟以禁種爲第一要著似尙非探本窮原之論溯鴉片之流毒中國幾近百年其始種自邊境其後乃蔓延於內地吸者愈衆斯種者愈多是禁吸一屑視禁種尤關緊要今各省於禁種一屑旣已不遺餘力期限必不致延長但恐種者雖淨而吸者未斷土藥雖絕絕迹洋藥更可居奇十年期限爲日方長沈痼不除漏卮轉鉅此臣等兼權熟計不能不鯁鯁過慮者也擬懇 飭下各省將軍督撫都統督飭所屬於實力禁種之外尤在稽查吸戶按照奏定吸煙牌照捐章程實力奉行務使禁吸禁種併進兼營庶煙苗早絕一日煙籍亦早淨一日以仰副 朝廷滌除宿弊之至意所有臣等併案議覆緣由理合恭摺具陳伏乞

皇上聖鑒訓示再此摺保度支部主稿會同禁煙王大臣外務部辦理合併聲明謹 奏宣統元年七月初三日奉旨依議欽此

直隸總督端奏長蘆歷年灶課奏銷摺

奏爲長蘆歷年灶課奏銷恭摺仰祈 聖鑒事竊查接管卷內據長蘆鹽運使張鎮芳詳稱今屆奏銷光緒三十四年灶課錢糧之時查得三十四年以前歷年灶課錢糧均已遞緩至宣統元年秋後啓徵計共額徵銀三千二百一兩一錢四分二釐舊管存銀三千二百一十二兩五錢七分四釐新收銀三千二百一兩一錢四分二釐又續收不在額徵之內銀二兩二錢四分一釐共新收銀三千二百三兩三錢八分三釐舊管新收統共銀六千四百五十九錢五分七釐開除無項實在存銀六千四百五十九兩九錢五分七釐等情造具清冊詳請具 奏前來署督臣那桐未及核辦奴才到任接交覆核無異查前項銀兩俱係實在在庫並無虧缺除循例出具印結同送到清冊咨度支部查照外所有長蘆歷年灶課錢糧理合恭摺具陳伏乞 皇上聖鑒飭部查核施行謹 奏宣統元年七月十五日奉 硃批度支部知道欽此

公牘錄要

藩司學司警務處詳覆委員核明交河縣警款委難提撥學費擬免置議文並批

爲會議詳覆事案奉 前督憲楊批據交河縣詳擬將稟定專作警費之畝捐六十文內酌提二十文撥作勸學所
的款請查核備案緣由蒙批據詳已悉仰藩學兩司會同警務處核議飭遵詳抄發此繳等因蒙此警務處遵查學
警兩費本宜並重不可偏廢惟該縣原籌畝捐六十文係經該前縣龔令俊先後稟定專充警費之款除
開支外如有盈餘不准挪作別用盡數發商生息以爲遇有歲歉不足之備倘仍不敷再行設法籌辦又去年秋間
該縣全境被災警款難支曾經該周令學淵稟由賑撫局籌借銀二千兩以資接濟在案今該縣因學款難籌擬由
專作警費畝捐內酌提二十文撥歸勸學所以作各小學堂經費未免事出兩歧自應派員會縣澈底查清再行核
辦當即遵委阮倅楚三前往交河縣會同周令學淵逐細詳查具覆去後茲據該印委稟稱竊卑職楚三接奉憲委
遵即束裝起程於五月初一日馳抵交河會晤卑職學淵調集原辦警卷查得此項畝捐本係各村舊有之青苗會
爲僱夫看青之用嗣因舉辦巡警無款可籌經卑前縣龔令彥師榮署令俊先後稟定即以此項看青錢文改爲畝
捐每年共籌京錢四萬二千吊又本城商捐京錢五百吊富鎮商捐五百吊泊鎮商捐三千吊原設五局十三區嗣
後併爲五局七區官弁巡長警兵二百四十八名每年開支亦須四萬餘吊其在豐稔之年款能收齊除開支約可
盈餘六千餘吊然局所尚未修建鎗械亦未請領其泊鎮鋪捐三千餘吊又爲該鎮兩等學堂侵用再遇水旱偏災
及另有推廣款尚不足上年卑縣全境被災警費難籌迄今尚在束手如有備荒專款亦斷不至如是之掣肘也卑
職等就案確核悉心商酌若再酌提二十文撥充學款於警費更屬不足但原詳係據公稟自應飭查以昭核實隨
飭該警董及收支處查開出入款項亦屬相符並稱學界諸人以籌款爲難於畝捐一項早已垂涎此次並未與警
界商酌認可乃竟羅列多名稟請酌提二十文撥充學費於警務諸多窒礙伊等萬難承認據該警董齊雲峯杜鴻
賓等聯名稟懇轉請更正前來卑職等復加酌核此項畝捐專辦巡警尙虞不足備荒又無專款該學界於具稟時
又未與警務紳董商明認可前詳即應作廢不必再議所有查明畝捐委難提撥學費緣由理合聯銜稟請查核再
此外尚有泊鎮小學堂經費亦係挪借該鎮所籌專充警費鋪捐款項不意尹寶真等指爲警務餘款稟充學費該
鎮紳商人等均不樂從現據職商倪寶林等聯名稟請仍以斗捐專歸學款商捐仍充警費請轉稟前來卑職等商
酌一俟所籌專充學費之斗捐開辦後再將該鎮鋪捐歸還警務以清界限而免轉轍合併陳明等情會同稟覆前

來據此本司道覆核該縣原稟擬由畝捐內酌提學費一節既據該印委查明委難提撥請免置議自應照准除稟批候示外所有委員會同核明交河縣警款委難提撥學費擬免置議緣由理合會詳 憲台鑒核示遵實爲公便再此案係警務處主稿合併聲明爲此備由具呈伏乞 照詳施行
督憲端 批如詳辦理仰即飭遵此繳

天津縣議事會申報各憲議事會議員改任暨舉定議長副議長文

爲申報事案於七月初八日准董事會移開爲移請事按照試辦天津地方自治章程第四條內載議事會議員以三十人爲定額本會舉行複選舉後當日將分揀當選之趙君承恩等八人合揀當選之李君士銘等二十二二人照章分別通知查石君元士現充本會副會長此次當選經本會決議不允辭却副會長之職已承允諾當將複選舉名次表第三十一名李君長泰遞補仍照章通告各在案現據當選並遞補諸議員於通知上親書知字陸續繳送到會所有議事會當選議員三十人除錄報監督官廳暨移會縣尊分別照會各議員並公布外理合移會請煩查照等因嗣於初十日議員等陸續到會互舉議長副議長以度支部郎中李士銘得十八票充當議長揀選舉人趙承恩得十六票充當副議長翌日開會議員士銘來函辭職查照章程十五條第四項並十六條應准聽其辭職照章以副議長遞推爲議長以複選名次在前之附生劉孟揚遞推爲副議長所有議事會議員改任並舉定議長副議長各緣由理合申請 憲台查照須至申者

又移董事會文

爲移請事竊敝會於本月十一日起開臨時會議所有前任單交未結各案自須早爲清理惟查內有已請貴會調查核辦及應由貴會辦理之事甚多亦應請速爲執行以清積牘而重公務除將緊要之件開列於後相應備文移請貴會查照并祈見覆施行須至移者 計開 一維持電燈路綫傷人 一下河圍村民掘防水土隄 一接辦義阡公所 一本年預算

豫撫吳咨覆湖廣督院汴洛運貨京漢車收捐均分文

爲咨覆事宣統元年五月二十三日准貴部堂咨開案據湖北統捐總局司道詳稱竊奉札准河南撫部院咨以附

奏汴洛鐵路告竣自應援照京漢成案分設貨捐局章程立案一片抄錄試辦章程第三條內開汴洛火車運貨上京漢車者如在信陽以北彰德以南卸載即由汴洛按值百抽二五收捐鄂豫直豫亦不重徵汴洛火車運貨上京漢車如至信陽以南彰德以北出豫境卸載者汴洛應按值百抽二五減半即值百抽一二五收捐鄂豫直豫亦按值百抽二五減半收捐一次鄂豫直豫所收此項值百抽二五減半捐款仍歸鄂豫直豫均分等因下局奉此遵查職局前因汴洛鐵路在鄭州設局收捐與鄂豫捐同權限未清難資遵守曾由豫省派委汴洛火車局委員孫令希賢會議章程各條稟經憲台批定在案茲奉准咨前因伏查鄂豫兩省前經議定章程第三條內開一汴洛火車上京漢車南運者如在信陽以北卸載即由汴洛按值百抽二五收捐鄂豫即不徵收如至信陽以南卸載汴洛應按二五減半收捐鄂豫亦按二五減半收捐但鄂豫所收減半之捐款應另行提出專歸鄂省不再分撥豫省是此案前已會議妥協劃分界限今該省改變前議遽行入奏若照所奏章程是汴洛火車運貨上京漢鐵路以南豫省收捐四分之三鄂省收捐僅得四分之一鄂省受虧甚鉅前後兩歧未便照行理合將原議各條開摺備文詳請憲台俯賜查核咨達河南撫部院 奏明更正以符原議而昭公允等情到本部堂據此查此案前經貴省委員孫令希賢來鄂會同鄂豫火車貨捐局專辦委員程守道存議定辦法開具清摺呈由本部堂核定批准在案茲據詳陳各節核與原議不符事關兩省公益商民信用辦法自未便兩歧除批示外相應抄錄原議各條黏單咨明貴部院請煩查照原議 奏咨更正併希見覆施行計抄單等因到本部院准此查汴洛貨捐章程前因抄胥筆誤於五月十八日業經另抄章程清摺續咨冰案更正在案茲准前因查續咨章程第四條內開汴洛火車運貨上京漢車者如在信陽以北彰德以南卸載即由汴洛按值百抽二五收捐鄂豫直豫亦不重徵汴洛火車運貨上京漢車如至信陽以南彰德以北至出豫境卸載者汴洛應按值百抽二五收捐一次鄂豫直豫亦再照值百抽二五收捐一次鄂豫直豫所收此項值百抽二五捐款仍照向章歸鄂豫直豫均分等語是按二五收捐兩省均分其利本係鄂豫局向辦章程鄂豫局既按二五收捐一次且與原議鄂省獨得二五減半之數亦屬相符於鄂毫無虧損自可查照續咨章程辦理相應咨覆貴部堂請煩查照施行

文告錄要

督憲牌示○爲牌示事照得本督部堂歷任封疆於各省文武官員及軍學各界學生或曾經器使或夙相知聞十餘年來幾於不可勝計際茲新政肇興百端待理誠非藉資羣力不足以爲圖治之資無如財政困窮已達極點計功受虞籌措維艱前於卸任兩江時預計蒞直以後或有因緣舊誼託名投効之人當經親書手諭明白勸阻不意此項人員仍復紛至沓來其欲求自試耶則本省人員尙難悉謀位置何暇他求其欲覩餘潤耶則原有差使尙須酌予裁併更難設法重以下車伊始每事親裁賓座晤言并無暇善津地百物騰貴旅寄艱難貿然而來伊誰之咎爲此牌仰投効各員知悉爾等須知本督部堂愛才有素於人生困苦亦所稔知苟非萬分爲難決不爲不近人情之舉經此次告誡之後務卽速整歸裝毋再留戀如自揣一才一藝堪供世用則將來分別調取自有其時如猶誨諄聽藐視爲具文或一再瀆陳或託人關說則是於近今時局與本督部堂開誠布公之本意均未體會明哲之士當不至此切實曉諭其各懷遵毋違特示

督憲批示錄要○丁道象震稟辭文案薪水銀兩由 批據稟該道經本部堂札飭辦理一切要政文牘以現充局差月俸較豐請免支薪水等情具見該道無心干祿有志匡時愧彼登壘而取盈足證處膏而不潤清規素德傾挹良深自應准如所請以示嘉尙除行支應局外仰卽知照繳○雄縣祿坤詳巡官王之荃請援案給獎由 批據詳已悉仰警務處核議具覆詳抄發此繳

天津縣董事會公告○王勤爲僧人乘機購地說帖 議覆該廟地早經充公照章不能變賣萬勿聽信僧人招搖之詞致被欺騙此答○王恩貴爲認租郭家莊空地說帖 議覆候勘丈明確再爲議租此答○劉恩福爲清丈地基以清界綫說帖 議覆請將印契携帶來會以便定期勘丈此答○張雲霽爲認租空地說帖 議覆說帖閱悉該坑地坐落何處並未指明無從查勘請來會陳明可也此答○劉景嵐等爲公產應卽齊租請批遵辦說帖 議覆說帖閱悉何起昇之租款由會經收仍存作貴村經費今歲收租價六元較之去歲尙多一元明年租價仍祈貴村協議並商酌一切辦法此答○何世卿爲陳盜賣既確延不遵斷說帖 議覆說帖閱悉劉景峯等所換之園地既云畝數不符租價不同今年既經耕種碍難卽行換回俟收成後仍令將該地換回以重公產此答

附錄天津官事○督憲於十九日接見德國領事官克尼平君繙譯楊國吉君美國署領事官巴特拉君比國領事官狄西業君副領事斐德門君日本領事官小幡酉吉君副領事矢田七太郎君繙譯瀨上恕治君奧國領事官戈布爾君 現換麻地紗袍掛

電報錄要

路透電○美國北極探險家庫克氏將探險之事電致紐約日報館謂此次赴北極忍受饑寒努力前進得達目的并尋獲新地係在世界極北端在該處幸遇愛斯基摩人獵熊又遇大犬數百條測量該處離北極共七百英里遂啓程前進偕同愛斯基摩人二名大犬二十五條每日測量星斗後於去年西四月四號行抵距北極十四秒之處再進遂至北極太陽係在正午因該處子午線相遇東西北三面均無惟南向一面再以羅盤測量盤針亦指北極云

柏林電○德國塞普林伯爵將飛艇轉機修理後即又飛行至威田伯克落下

又電○歐洲列強因土希兩國對於克里德島交涉了結將兵隊由堪尼亞撤退

東京電○日本駐美公使高平氏由美國啓程行抵橫濱現由橫濱乘坐火車往東京日本外務省大臣小村氏率

同該省各員均在新橋車站迎送

又電○日本海軍中將伊集院氏現補授軍令部長海軍中將島村氏補授副部長聞日本海軍省不日將有更動

新政紀聞

政治

電詢諮議局開會禮式○憲政編查館接川督電稱諮議局開會應行禮式是否由鈞館預定如尙未發請先電示

大略當即電覆云真電悉諮議局開會禮式即由尊處自行酌定辦理此覆

電詢諮議局章程解釋○憲政編查館接桂撫電稱諮議局章程第二十一條第四款議決本省稅法所謂稅法係

指何項之稅章程並無明文惟查光緒三十四年九月內鈞館咨行內開交諮議局議決豫算事項應以各本省之地方辦事費用爲限國家行政費不在其內準此推之則章程第四款議決本省稅法似專指徵收地方稅之

稅法其國家稅徵收之稅法當不在其內是否如此解釋伏候核示當即電覆云文電悉議決本省稅法冠以本省字樣即係專指本省地方稅單行章程之徵收方法與國家租稅無涉又本館前核議度支部清理財政章程第十五條內載明各省歲入當國家稅地方稅未分以前諮議局不得議減現行稅率即希查照辦理

議事會交接會務清單○天津縣議事會宣統元年七月初十日交接會務清單(續二十日)民立五十四小學堂

請補助 調查 未結 公舉諮議局選舉調查員 辦訖 已結 行知籌辦諮議局 遵照 已結 核議

諮議局議員選舉費 議駁 已結 各處調查叅觀 辦訖 已結 灤州官礦事宜 存查 已結 河南

鐵路局招股 知照 已結 報効津浦鐵路材料廠地畝 議駁 已結 議覆設立清穢公所 議駁 已

結 議覆設立暗溝公司 議駁 已結 陳請開通貢院胡同暗溝 代為陳請 已結 陳請開通大悲菴

暗溝 代為陳請 已結 質問廁所章程 已質問 未結 法政學堂侵吞公款 將原說帖送呈學務公

所 已結 行知度量衡辦法 交董事會辦理 已結 董長有請核議死佃活佃辦法 併買家沽道案開

議 已結 買家沽道倒租辦法 議定死佃非死佃證據辦法各條 已結 陳請裁判孫鳳和死佃活佃事

條陳審判廳 未結 籌辦城鎮鄉地方自治 由縣尊籌辦 已結 請修儒學衙署 議駁 已結 天

津縣地圖 收到 已結 交議小蓮芬案 移覆巡警總局辦理 未結 姜李氏案 分別移覆議覆 已

結 照送匿名信件 送訖 已結 清查地方牙稅 交董事會辦理 已結 陳季氏請旌 函探訪辦理

已結 核議醫院研究 議駁 已結 條陳漁業公司收款專辦漁業事 督憲批准交工藝局核辦 已

結 通知馬車傷人違警章程 存查 已結 待議事件 公文二件 董事會公函三件附九件 說帖六

件 前議員李君士銘楊君澤濡自光緒三十四年七月初十日起至宣統元年七月初九日止計滿一年未曾

到會應否遵照章程第一百六條第二項核議 議事錄五冊 考勤簿三本 賑簿款項 賑簿二十一本

舊摺四個 每月收支各款決算底冊十四本 現洋二百八十五元六角八分三釐 現錢十四千七百七十

八文

(已完)

學務

提學司考選經科生○京師大學堂開辦經科招取各省選送學生大省准送六名中省四名小省三名蘇提學司奉文後業經通飭各屬遴選送司考取在案茲因各處申送人數已多特經獎學司傳飭於初四日在署命題考試以定取舍

高等學堂畢業未准○山東高等學堂較各省開辦爲最早預科早經畢業升入正科於去冬屆畢業之期當經羅學司將各生畢業試卷及平日分數表各生履歷等詳請撫憲咨送學部奏請照章給獎以示鼓勵現經學部議駁以畢業各生各種科學無一及六十分者外國文程度尤淺不准畢業刻已行知東撫札飭遵照矣

實業

通海物產會紀事○江蘇通州物產會事務所日前按甯垣勸業會事務所來函云各屬事務所成立應即擬定籌備進行案以便順序施行茲准鎮江陶調查員送來鎮江物產會進行順序一紙合卽油印函寄祈速參核辦又蘇州物產會已於本月初一日開幕聞其財力充足成績頗佳通州農商兩會爰特選派幹事數人赴蘇參觀以資考鏡又通州土產向以花紗布著名近年工藝品內亦有新增之物產現由高立清擔任調查工藝一項農產品由師範農科教員及農界諸人擔任調查出品藥材一類由藥業董事王兆鴻調查蒐集聞通州土產藥材雖不及他屬之盛而每年總產額已達一萬四千五百餘斤若加以改良培植未嘗不可廣闢銷路增益商力至事務所應籌之款現聞尙無頭緒海門泰興二處正在計議中如阜已照通州辦法商會籌措一半計洋二百五十元其餘一半已函請郭令照章籌撥通州官撥之款亦由事務所函請琦牧從速籌備尙無款可解聞辦事官紳均以調查雖逐漸就緒若無的款應用各品物仍屬無從購集深以爲慮云

汴省工藝局之發達○汴省工藝局製造貨物日增月盛其銷行最速者爲萬壽綢汴綢兩種目下積本甚巨統計實存二萬五千餘金朱方伯因飭該局委員添辦織緞機數具並多招工匠以爲擴充之計日來該局已派人至蘇杭一帶廣招織工到汴冀興大利

第三章 考試

第九條 本學堂考試遵照學部奏定各學堂考試章程分爲五種一臨時考試二學期考試三學年考試四畢業考試五升學考試

第十條 臨時考試每學期舉行一次或二次學期考試於各學年上學期之末舉行學年考試於各學年之末舉行均由本學堂主持

第十一條 畢業考試遵照部章由本學堂咨明順天府轉咨京師督學局會同學務官及本學堂人員辦理考試既竣由京師督學局呈明學部核給獎勵

第十二條 升學考試應於本學堂添招新班時調取各廳州縣高等小學堂畢業學生及高等小學修業二年以上之學生來京考試另行開班仍將升入學生名冊報明京師督學局備案

第十三條 凡各項考試核計分數判定等第均遵照學部奏定各學堂考試章程辦理其每學期或學年應給修業文憑即查照學部頒定修業文憑條例施行

第四章 學期

第十四條 本學堂自開辦之日起以四月初十日爲上學期授業之始至九月底止爲第一學期以十月初一日爲下學期授業之始至次年三月底爲第二學期嗣後歷年以次遞推

第十五條 每年兩學期內暑假日期均查照學部頒行學堂假期表辦理

第十六條 凡添招新班及補招轉學插班學生均於每學期開學之前舉行

第五章 納費

第十七條 本學堂遵照學部奏定徵收學費章程凡學生入堂應一律納費 惟開辦時第一次入堂之學生係由各路中學堂歸併而來得仍照原入之學堂收費數目交納將來第二次開班時概不得援以爲例

第十八條 學生考取入學照章納入學費銀幣二元每一學期納學費銀幣十二元操衣靴帽等費全年銀幣十六元分兩學期交納膳宿費每月銀幣五元每一學期以五個月計算遇閏照加統限每學期之前交納 惟順

屬學生多係寒素來京就學旅費稍艱將來或參照直隸提學司重訂中學堂現行詳章斟酌情形僅收學費或膳費臨時由監督會辦酌定

第十九條 學生應用書籍圖冊筆墨紙張油燭茶葉等項均由學生自備本學堂概不代辦

第六章 職任

第二十條 本學堂設監督一員統轄全堂事務暫以順天高等學堂監督兼辦不支薪水

第二十一條 本學堂開辦伊始事務殷繁仿照京師滿文學堂辦法暫設會辦一員綜核教務襄理庶務應作爲

名譽職員不支薪水

第二十二條 教員分教各種科學其員數及薪水多寡按照學科鐘點酌定應由學堂遴選聘充

第二十三條 設監學一員管理齋舍稽查學生

第二十四條 設會計兼雜務員一人文案一人校醫一人司事一人書記二人分理各務監學以次各員月薪數

目由監督核定

第七章 經費

第二十五條 本學堂經費分爲開辦費常年費臨時費之三種

第二十六條 開辦費京平足銀三千兩由順天府撥發

第二十七條 常年費京平足銀一萬兩分四季承領由順天府支發(遇閏另請增加)按月造具四柱清冊呈報

順天府

第二十八條 臨時費無定額如有特別事項或推廣學生名額及購置圖書器械等大宗用款應咨請順天府酌

核籌撥

第八章 規章

第二十九條 本學堂一切規則均遵照奏定章程各學堂管理通則各章辦理

附章

第三十條 本章程經順天府核定後卽爲實行之期如有未盡事宜應由本學堂隨時修改并咨報順天府查核

備案

海國生春

廣東南海有患左癱右瘓者為韋廉士大醫生紅色補丸所治愈
中國學堂教職為十五名醫所不能醫治之奇症

左癱右瘓或四支失力為人身所最險最難治之一種疾病也韋廉士大醫生紅色補丸曾經醫治諸多最劇之癱症是以無論何藥最無有如韋廉士大醫生紅色補丸之神奇者是書因欲刊登各種證書限於篇幅故未能將所治左癱右瘓之症悉數登錄祇得僅擇廣東南海郭君貞甫之一症而詳錄之因其由中國所治愈為盡人所易於訪問而知者也郭君貞甫為廣東南海學堂之教職自述其病狀如左云○余二年前即三十有九歲時左身瘓



廣東南海郭君貞甫患左癱右瘓為韋廉士大醫生紅色補丸所治愈

癱左手左足均各失力瘋症若是之重臥床莫能興起腦筋衰弱時時發顛如樹葉之被風飄颻不克自持於是延醫診治歷經名醫十有五入服藥無算毫不見效祇病覺勢日重絕無復原之望一日余友勸服韋廉士大醫生紅色補丸因其曾服是丸而獲益者又承惠贈半打囑余嘗試余遂依言服之頓覺身體復原面容轉赤未幾覺有精力從左手足經過恍若被電氣所感獨皮膚為新血所潤澤四支因新血而生力從此進步神速面色有康健之形腦筋得復原之力量所最喜者即使余四肢復得有全力之用也邇者食甘睡甯顏開心樂其所以能得此快愉之情形者皆韋廉士大醫生紅色補丸所賜之奇功也能不將余保證書登簡牘以告世之同病哉○郭君之自述病狀如此然常有如郭君之疾病為醫生與平常藥餌所莫能療治者韋廉士大醫生紅色

補丸却有奇妙之功用也蓋是丸所以能醫治各疾者以其所施之功由血中而入能使全體皆得有力其名譽為天下文明大國所盡知莫不謂其能醫治
不舉 胃不消化 肝經各病 背痛頭疼 風溼骨痛 山嵐瘴氣 發熱病後 紅白痢疾 感冒風寒 等症之聖藥也 婦女經水不調以及經來腹痛各種雜症一服是丸立能使其月經有序身體健康矣 中國各處商店藥局凡經售西藥之處均有代售或直向上海九江路B字第八號韋廉士醫生藥局中國總發行處購買亦可 價銀每六瓶大洋八元每一瓶大洋一元五角 遠近郵費一律不取

上海九江路B字第八號韋廉士醫生藥局啟

商務印書館出版各書上海總發行所

中外政法要書

議員必讀

嚴又陵先生譯著

欽定大清會典

憲政大綱

英文漢語

欽定大清會典及事例

各省諮議局章程

社會通論

大清光緒新法令

各省諮議局章程要義

訂正學界

列國政要

諮議局章程須知

天演論

漢譯日本法規大全

地方自治章程

孟德斯鳩法意七册

漢譯日本六法全書

城鎮鄉地方自治章程

政治學

警察講義

日本議會法規

各種雜誌

各種彩色地圖

四

政治類各書

日本憲法

大清帝國全圖

日本憲法研究

日本憲法

大清帝國地圖

日本憲法研究

日本憲法

大清帝國地圖

日本憲法研究

日本憲法

大清帝國地圖

日本憲法研究

日本憲法

大清帝國地圖

日本憲法研究

日本憲法

大清帝國地圖

日本憲法研究

日本憲法

大清帝國地圖

日本憲法研究

日本憲法

大清帝國地圖

日本憲法研究

日本憲法

大清帝國地圖

日本憲法研究

日本憲法

大清帝國地圖

日本憲法研究

日本憲法

天津分館開設河北大胡同電話五百二十六號

本局印售各種書籍圖畫目錄

北洋官報

- 澄衷學堂字課圖說
- 天文歌略
- 地球歌略
- 小學韻言
- 小學韻語
- 蒙養學堂百課
- 最新初等小學國文教科書
- 初等中國歷史教科書
- 心算初學
- 最新初等小學筆算教科書
- 初等小學算術科科書教授法
- 忠經
- 漢文舉隅
- 東文典問答
- 地文學問答
- 皇朝政治學問答增校初二編
- 節本泰西新史攬要
- 筆算教科書
- 數學上編
- 普通新智識課本
- 中等植物教科書
- 中學礦物教科書
- 高等小學博物教科書
- 生理衛生學
- 化學教科書
- 中學地理中國誌

- 八本洋二元
- 一本洋三分
- 一本洋一角五分
- 一本洋二角五分
- 一本洋一角五分
- 一本洋四分
- 一本洋三角二分
- 一本洋一元
- 二本粉紙洋五角
- 二本粉紙洋四角
- 合售洋三角六分
- 一本粉紙洋六分
- 一本粉紙洋五分
- 一本洋二角
- 一本洋二角五分
- 一本洋二角
- 一本洋五角
- 二本粉紙洋四角
- 二本粉紙洋五角五分
- 二本粉紙洋四角
- 二本粉紙洋四角
- 二本粉紙洋二角
- 二本粉紙洋七角五分
- 一本粉紙洋七角
- 一本粉紙洋四角五分
- 一本粉紙洋三角五分
- 一本粉紙洋二角五分
- 四本洋六角

- 植物學教科書
- 皇朝政典學要
- 萬國憲法比較一本
- 法學通論
- 萬國通商史
- 新爾雅
- 康熙幾暇格物編
- 周禮政要
- 明夷待訪錄
- 普通教科書目提要
- 科學書目提要初編
- 心算教授法
- 萬國公法提要
- 甲辰全年學報彙編一百種
- 乙巳全年學報彙編
- 丙午全年學報彙編
- 丁未全年學報彙編
- 農學新書三十五種
- 日本栽桑捷法
- 美國養雞法
- 農務述聞
- 畿輔輿地全圖
- 御製耕織全圖
- 朝鮮輿地全圖
- 地球開闢次序圖
- 平圓地球圖
- 東三省鐵路全圖

- 一本粉紙洋二角五分
- 四本洋五角
- 一本粉紙洋三角五分
- 一本粉紙洋七角
- 一本洋二角
- 一本洋三角五分
- 二本洋四角
- 二本洋六角
- 一本洋二角
- 一本洋五角
- 一本洋一角五分
- 一本粉紙洋三角五分
- 四本洋一元
- 五十本洋二元七角
- 四十本洋四元二角
- 廿四本洋四元八角
- 廿二本洋五元六角
- 一本洋一角二分
- 一本洋四角
- 一本洋三角六分
- 六扇屏洋二元
- 二册洋五角
- 一張洋一角
- 一册洋一元
- 三十二張洋一元
- 一張洋八角

第二千一百八十三冊

告白

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家柏林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尙有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利 洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁鑽洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑽珠寶鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡梳梳梳洋鏡

本行主人啟

瑞林祥元記 綢緞洋貨

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 鐵銅料器磁器 奇巧美術玩器 學界文房用品 旋行携帶等件 精工製身物料 定織各色應底 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

買字助賑諸君請看

敬啓者甘省苦旱被災日久凡屬同胞各盡心力而助善舉鄙人亦不忍膜視是以聊藉筆資助賑匝月以來蒙好善諸君賜件頗多然紛紛囑寫指書者亦屬不少今擬補錄指書潤資列後以供衆覽其餘潤資各款仍照從前原定章程辦理合併聲明

四尺楹聯指書每付一元
四尺挑山指書每件一元二角
四尺屏幅指書每四扇一元六角
五尺一元二角
五尺一元四角
六尺一元四角
六尺一元六角
六尺每四扇二元四角

如條多照加單宣簿紙不書
招牌指書各件由四寸至八寸字起碼每一字一角不在單者可以赴宜蘭堂南紙局另議定期不悞

今將現售出筆資助賑之款登錄至七月二十日爲先一月之期由宜蘭堂代收筆資共計洋二十元零四角紅杏飯莊代收筆資洋共計二十元零六角鄧觀察公館代收筆資共計洋三十元零四角特先聲明容俟將款集齊匯交後三個月期滿再行酌諒按名總登可也
故城陳筱華謹啓

北洋法政學堂專門學堂招考中學學生廣告

本堂擬添設中學班遵照學部中學堂分科章程專設文科一類爲法政專門之豫備畢業後直接升入本堂正科不得轉學他處茲定於九月初一日招考先期自七月二十日開始報名至八月二十五日截止凡有志諸生查照左列各要件屆期來堂報名爲幸
課程（照中學堂文科課程辦理惟外國語一科以日語爲主英語爲輔）
獎勵（畢業後照中學堂章程請獎正科畢業後照高等學堂章程請獎）
宿舍（概由學堂豫備）
年齡（十五歲以上二十二歲以下）
年限（照中學堂章程五年畢業升入正科後二年畢業）
學膳宿費（每月共六圓）
入學資格（中文通順曾在高等小學堂肄業二年以上者）

恤隣廣告

敬告者現值兩湖吉林各省被水成災居民田廬牲畜沖沒殆盡其情慘不忍聞亟應勸辦義賑以資協濟如蒙諸大善長概捐賑款請送至北馬路商務總會掣取收據以便彙解災區散放拯救災黎不勝盼切之至此佈
天津救急善會具

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎譽
 茲為推廣招徠起見
 自本年承印各項價
 目格外減讓以副官
 商雅意如蒙賜顧請
 至本局賬房面議可也

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五

以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

天津銀號廣告

本銀號代辦直隸公債所有本年宣統元年二月初一日四月初一日六月初一日第四年第一第二第三三期應付本利銀兩即係原訂光緒三十五年滿期業經照數分付廣登廣告各在案茲值本主請查照章程第四期滿給還本利之期凡天津暨各府廳州縣各票主請查照章程第七條持票至原借各府廳州縣及各籌款分局核取本利銀兩且期滿之票並可任便抵納地丁錢糧課關稅及各項稅捐已詳請督憲照奏准章程通飭各屬不准留難需索務即持票兌取現銀毋得自誤再如有以前到期未經支取各票本利銀兩亦可至原借各處驗票續發特此佈告

工商演說廣告

啟者本所前因天氣炎熱暫停演說今已天氣涼爽擬訂於七月十八日晚八鐘至十一鐘仍借東宣講所內演說工商各項要理并請韓鏡湖先生演說發電機之製造與功用李子鶴先生演說外國貿易金受伯先生演說日本商業之現象宋則久先生演說弱肉強食之商業務希各工商屆時 惠臨入聽不取分文特先佈告 天津勸工陳列所啟